

Zubi yi kuma munghana lontshwa



Pam, Lebo na mbyana, Zubi,
va tifambafambela.

Namuntlha Zubi yi huhwa ngopfu.

Ya tsutsuma yi famba.

Pam na Lebo va tsutsuma
endzhaku ka yona.

"Vuya Zubi!" ku huwelela Lebo.





Zubi yi tsutsumela ekhumbini ra
phaka. Zubi yi nuhetela khumbi.

Xana yi nuhetela yini ekhumbini?
Xana i bolo ya muhlovo wo
tshwuka na wasi?

Huhu! Huhu! Huhu!



Pam a vutisa a ku, "U kume
yini, Zubi?"

I rhambu lerikulu?

Ku nga va ku ri khoni?

Huhu! Huhu! Huhu!






Pam na Lebo va landzelela Zubi va
nghena ephakeni.

Kwakwa! Kwakwa! Kwakwa!

Yoo, i xisekwana xa xitshopana.

Xisekwana
xi lahlekile.

Vanhwanyana lavambirhi
va famba hi ku nonoka va ya
eka xisekwana xa
xitshopana.







"Xana u lahlekile wena xisekwana
xa xitshopana? Hi ku tlherisela
exidan'wanini," ku vula Pam.

Zubi yi sungula ku vukula.
Huhu! Huhu! Huhu!


"E-e Zubi! U nga vukuli xisekwana
xa xitshopana," ku vula Lebo.
"Xisekwana xa chava."



Pam na Lebo va tlherisela
xisekwana exidan'wanini.

"Manana na tatana wa wena
hi lava. Vona sesi na vabuti
va wena va hlambela
exidan'wanini," ku vula Pam.

Kwakwa! Kwakwa! Kwakwa!



"Ndzi navela wonge hi nga famba na xisekwana ekaya," ku vula Pam.

Xisekwana xa xitshopana xi hlambela xi famba.

"Ndzi ehleketa leswaku xisekwana xi lava ku tshama na vandyangu wa xona," ku vula Lebo.

Kwakwa! Kwakwa! Kwakwa!




Zubi yi vona xisekwana xi hlambela
exidan'wanini. Zubi na yona yi
tlulela endzeni ka xidan'wana.

Dlomu! Dlomu! Dlomu!

"E-e Zubi, u mbyana yo
karhata. Hatlisa u huma!"
ku vula Pam.





Zubi yi huma exidan'wanini.

Yi tiomisa hi ku tidzudza.

"Yehe Zubi! Sweswi ndzi tsakamile.

A hi fambe ekaya," ku vula Lebo.

Zubi yi lela munghana wa yona
lontshwa.

Huhu! Huhu! Huhu!

**Hlayisani swifuwana
swa n'wina!**







Yimbelelani!

Xana u vone swisekwana?



U vone swisekwana
Swi hlambela ematini?
Manana, tatana, swisekwana
Kokwana wa xisati na nhwanyana.



U vone swisekwana swi peta milomo ya swona
Swi hlambela ematini?
Manana, tatana, swisekwana
Kokwana wa xisati na nhwanyana.



U vone swisekwana swi ba timpiko ta swona
Swi hlambela ematini?
Manana, tatana, swisekwana
Kokwana wa xisati na nhwanyana.





Mayelana na masekwa

Masekwa ya yelana na magalakuni.

Masekwa ya na minkondzo leyi
hlanganisiweke hi dzovo ro olova leswi
pfunaka leswaku ya kota ku hlambela.

Ya na milomo-ximhondzo.

Ya na tinsiva ta xi-ala-mati.

Masekwa ya xisati ya vitaniwa 'mimbhaha'
kasi ya xinuna ya vitaniwa 'minkuku'.

Vana va masekwa va vitaniwa 'swisekwana'.







Migingiriko ya ku hlaya hi mitlawa



1

Languta swifaniso leswi landzelaka.

Byela munghana wa wena leswaku ku humelela yini eka xifaniso xin'wana na xin'wana. Byela munghana wa wena leswaku i xifaniso xihi lexi faneleke ku va xo sungula, xa vumbirhi, xa vunharhu na xo hetelela. Tlhela u hlamusela munghana wa wena xitori u tirhisa swifaniso.



2

Encenyetani xitori.



3

Hlamula swivutiso hi ku vulavula.

- I yini vito ra xitori lexi?
- I vamani swimunhuhatwankulu exitorini?
- Pam na Lebo va va kume kwihi vatswari va xisekwana xa xitshopana?






- d. U ehleketa leswaku Zubi na xisekwana swi ta ya emahlweni no va vanghana?
Seketela nhlamulo ya wena.
- e. Vula mihlovo leyi vuriweke exitorini.



4

Byela munghana wa wena leswaku i xifaniso xihi lexi fambelanaka na rito. Hlaya xivulwa lexi yelanaka na xifaniso na rito.



| |
|--------|
| rhambu |
| Zubi |
| bolo |
| toni |
| sekwa |

I rhambu
lerikulu?

I bolo yo tshwuka
na wasi.

Xana u vona
sekwa ra
xitshopana?

Zubi i mbyana ya
Pam na Lebo.

Ku nga va ku ri
selifoni?



5

Hlayela munghana wa wena swivulwa. Tirhisa marito na swifaniso ku ku pfuna ku hetisa swivulwa. Tsala swivulwa ebukwini ya wena ya switoloveto.

| Zubi | exidan'wanini | xisekwana | xinyenyana |
|----------------|--|-----------|------------|
| xikombiso: | <u>Xinyenyana</u> xi yimbelela emurhini. | | |
| | Pam na _____ va tifambafambela. | | |
| | Zubi yi vona _____ xa xitshopana. | | |
| | Pam na Lebo va yisa xisekwana _____. | | |



6

Kopunula xivulwa xin'we xo huma eka xitori u xi tsala eka buku ya wena ya switoloveto. Dirowa xifaniso xo yelana na xifaniso xa wena.